

և գեալ զբանս անբանից կարող զձեղ վանելոյ,
 որով առաւել պարծին, քան պապանծին. այլ
 լինելով անյիշաչար թողուլ անյուշ. որք ահա
 շիկնին բոս ինքեանց, եւ շիկնեացին առ յապոյն
 անչէջ բոցով խղճի մտաց, իւրաքանչիւրքն կաս-
 կածեալ մի թէ ե՞ս իցեմ, մի թէ ե՞ս իցեմ.
 այսինքն ինքնանախատ կշտամբութիւն պապանծա-
 կան ամօթ հարութեամբ առաւել է քան զքրէա-
 կան պատիժ՝ զոր կրեն. զմնացեալսն խոհեմութիւն
 քո իմաստասիրեսցէ: Եւ ցայսօր ոչ մի ինչ
 վատաբանութիւն, այլ հռչակ բարեաց, անէծ
 պատճառ եղելոց, փափաքումն բղձագին անուանն
 լըոյ, եւ ողբ կսկծանաց վասն բաժանման առնեն
 ամենայն, այլ զինչ քան զայս մեծ բարեբաստու-
 թիւն. իսկ եթէ անարգութիւն ինչ ի թշնամեաց
 այսուհետեւ շնջիցի, իսկոյն գրեմ ձեզ. զի մինչ
 չիցէ առաջի բանակ թշնամեաց՝ ասպատակչաց
 ներկայութիւն, ընդ սր լինի մարտիւ հանգիպիլ.
 ահա զպոստիկ ոչ համարձակեցոյ գրել հայր վար-
 դապետիս, դու որոճացես եւ ծանուցես, զի ընդ
 ձեր եւ զբարեհամբաւութեան ձերոյ կամիմ ան-
 մեռ կենդանութիւն: Այլ եւ ամենայն ամիրայք,
 չէլէպիք, քահանայք, եւ բարեկամք համբոյր եւ
 սէր ընծայեն քեզ, զորոց անուանս եթէ գրէի, ոչ
 բաւէր հնգապատիկն թղթոյս. յատկապէս Տէր
 Գէորքն, Տէր Փիլիպոսն, Տէր Ստեփանն, Տի-
 բացու Գէորքն, թողում զայլս, զի եւ ժամանակն
 ահա ոչ ներէ. ամենեւին զառ իս գիրն քո յա-
 տուի, եւ զհայր վարդապետինս իւր ստորագրու-
 թեամբ մի պակասեցուցանել աղաչեմ. զի եւ ես
 այնու մխիթարիցիմ. եթէ համայն գրեանս առ
 իս հասուցանել հաճիք, չէ ընդունայն, զի փութ-
 թով հասուցանեմ ի տեարս, զոր այլոց չէ փոյթ.
 եւ առ այժմ ոչ էր հարկաւոր այլ գրելի. այլ
 ողջ լեր ի Տէր Յիսուս ընդ բազում ժամանակս
 բոլորեալ ամաց ի հրճուանս նուաստութեան իմոյ,